



Sgürezza d'inviern Brail, Munt da Brail - surdatta

Per garantir d'ürant ils mais d'inviern üna sgürezza cunter lavinas illa fracziun da Brail, ha la suprastanza cumünala decis da laschar examinar e valüter la situaziun per trar masüras da sgürezza per mincha chasa, impustüt las chasas plü veglias. Il cumün es in oblig d'ingaschar ad ün indschegner specialisà dat avant da la GVG. La lavur es gnüda surdatta a la firma Afry, San Murezzan.

Sanaziun suotpassagi Viafier Retica - Susch, La Rouvna

La Viafier Retica proseguischa cullas sanaziuns dals suotpassagis. In ün prüm pass vain landervia la sanaziun dal suotpassagi a Susch, La Rouvna. La suprastanza cumünala ha acconsenti la proposta da la Viafier Retica.

Proget da finischun per la deponia Isla, Lavin

Tenor ün decret da l'Uffizi per la natüra e l'ambiant (ANU) dals 11-04-2005, vess la deponia Isla a Lavin stuvü gnir serrada e recultivada fin la fin da l'on 2010. Cun quai cha la deponia es amo in vigor, giavüscha l'ANU d'inoltrar fin ils 31-03-2022 üna procedura BAB cun ün proget da finischun inclus plans da detagl ed ün concept da recultivaziun e neofits. L'elavuraziun da quist proget es gnü approvà.

EW Zernez - tariffas da forz'electricica pel transport e per l'energia - decisiun tariffas a partir dals 01-10-2022 ff

Fin la fin d'avuost da minch'on as sto annunzchar a l'ELCom las novas tariffas da forz'electricica (energia e transport) per l'on següant. L'EE-Energia Engiadina a Scuol es incumbenzada da l'EW Zernez d'avair la coordinaziun – fich complexa – tanter l'EW Zernez e l'ELCom. Tanter oter han ils secturs transport d'energia, administraziun, investiziuns, contabilità d'indrizs, perditas illa rait, WEK e fich bier implü influenza süllas tariffas. La suprastanza cumünala ha sancziunà las tariffas sco propuonüdas da l'EE-Energia Engiadina Scuol a partir dals 01-10-2022.

Planisaziun locala – «Kommunal räumliches Leitbild»

La cumischiun da planisaziun dal Cumün da Zernez ha elavurà il sböz dal «Kommunal räumliches Leitbild». Davo duos workshops cun personas da differentas gruppaziuns as ha pudü implementar las intenziuns da la populaziun i'l concept. Quist documaint fuorma la basa pel proseguimaint da l'armonisaziun da la planisaziun locala ed es ün fich important instrumaint pel svilup dal Cumün da Zernez. Il gremi responsabel ha approvà il documaint per la publicaziun uffiziala.

Controlla da gestiun 22 october 2021 tras la cumischiun sindicatoria

La fin d'october 2021 ha fat la cumischiun sindicatoria la controlla da gestiun. La direcziun operativa ha tut in consegna la notizcha d'acta e tilla ha trattada. La resposta es gnüda preschantada ed approvada da la suprastanza.

Termins 2022 per DO, SC e RC

L'agenda da termins 2022 es gnüda approvada. D'ürant il 2022 as fa quint cun quatter radunanzas cumünalas, 19 sezzüdas da la suprastanza cumünala e cun 26 sezzüdas da la direcziun operativa. Implü sun gnüts fixats ils termins dals tavulins. La suprastanza cumünala ha discus sur da las reelecziuns ed elecziuns cumünalas per la prosma perioda da legislatura. Las reelecziuns ed elecziuns da las autoritads cumünalas a l'urna han lö previsibelmaing ils 15-05-2022. Las votantas ed ils votantas dal Cumün da Zernez as dessan far impissamaints sur d'ün ingaschamaint politic a favur dal Cumün da Zernez.